

ORIOLE
CIBOLE
KOGUI
BAMANA
YUKPA
WAYUNAKI
ACHAGUA
ROMANÍ
ETI ENAKA
KINOLA NI DALINGI
BARÍ
TULE KICHWA
WOUNÁN U'WA
EMBERA HITNÚ CUIBA
TATUYO TINIGUA PIAROASIKUANI
ÑENGATÚ GUAYABERO SIRIANO SÁLIBA
ACHAGUA
CARAPANA PUINAVE PIAPOCO
EDUÚRIA TARIANO CARIJONA KURRIPAKO
NAMTRIK WANANO TUYUCA KUBEO BARÁ
YANA CONA NASAYUWE DESANO PISAMIRA
INGA PIRATAPUYO YURUTÍ BARASANO
AWA PIT. UITOTO TUKANO MAKUNA
TAMANO
CABIYARÍ COBEGUJE KAMENTSÁ KAKUA YUHUP
COFÁN SIONA MIRAÑA
TANIMUKA ANDOQUE
COCAMA NONUYA
MUIANANE OCAINA
TIKUNA
BORA
YAGUA



KAMENTSÁ

Acuerdo Final para la Terminación del Conflicto Armado

Una publicación de
**La Oficina del Alto
Comisionado para la Paz**
y traducida por
MinCultura

TMOJENOYEUNÁ ASHJACHEN SOYËNG TSATMAM

Kem tsbuanachañ entsayan tmojenoyeunaká ashjachen soyëng, Habanaka luar uabainok, nyan luar utabnábtak ehc FARC-EP uabaynëngabtak, nday soy jëbtsashjacham, chnënguan soyëng tmojenoyeunay, chautseshekbe ndoserven soy, y jëbtsetšbenam kanÿe tšabe onëñ y beká temp chausomñe.

CANÿE SOY

TSËM LUAR JAJENACH COLOMBIA: JËTSBUERTANAM MAMATEM NÿETSKA SOYËNGAK

Ch jëtsbuertanam mamatem nÿetska soyëngak, entsemne ntšamo jësenajuachësënjam, ch jajenach oyenëngbe tšabiam, chká, mochanjenajabuach, ndoñe más podesk soyën tsenbojanÿan y jatšbenam tšabá corent y beká temp chausomñe.

- Entsemne nÿetska pamillang jajenach oyenëngbiam be tšabiam, nÿetska uantsameshabuanëngbiam y cabëngbiamnak.
- Ch nyan luar utabná chaotsatsmën bëngbe luarenach, jenefjnam inÿe luarokan, nÿe canÿe benach chaotsemne jajoka y tsashenok, jajasaná chausomñe, tsatëbuanÿam uaman luare, chka mochjësobomñe jomanteñam soyëng.
- Ch luare endmën basoyën chiek pamillang coretn mondetsamanëng.

Ch jëtsbuertanam mamatem nÿetska soyëngak (RRI), nÿets nyan luar chká enangmen soy endmën; nÿetska jajenach kem nyan luar. Endmën ndayentš corent ch podesk soyëng muenbojanÿan, lastemká pasayëng, nÿe batšatem ujabuachanëng, ëch bakná shakuan jenëng, inÿe soy nodñe tšabá bomnëng.

I - Jajandmanam ëch tsbatsanamama biñe jenagmiam.



Tmojenoyeuná jatšbenam kanýe soy chaotsemne nýe tsbatsanamama soyam, jatšatayam nýekachká, ch uantsameshabuanëng tonday tsbatsanamama tmondëbomnëngbiam, ichantsemne unga sbarukuá nýan kuagr bshants, natsan bnëtsan uatëskam.

Ch Tsbatsanamama Soyam ëchantseit:

Natsan: ch uaman tsbuanachañ boshjuanëng.

Uta: Jtojandmaná bshants soyëng, nýe kachka atëbnëng.

Unga: Jenajebanan y jtëtsjabuachenam nýetska betiyeng.

Kant: Nodñe tšabá mondatbënëng entšangbiam, moká uabomayëng ch tsbatsanamama,

Shachna: Krosenan tëtsëntšabuachiyës, entšangbe tšabiam jenagmiam.

Chnënguan: Ch corent tsbatsanamama bomnëng tmojjajanshá nýan luar utabnabioy.

- Mochanjajabuachená nýe kachká nýets soyëngam, ëch krosenan chamantšam tsbatsanamama jobuamiñam.
- Montsabonshne tatšatayam tsbuanachak, cham echantsemne kainsëfta nýan sbarukuá kuagr bshants.
- Ch tmojjoshachëñ tsbatsanamama, ndayá corent enangmenëngbiam, nýe batša o beká bomnëngbiam, jajoka mamang oyenëngbiam, canýe mamang imomnëngbiam y achetanëngbiam.
- Ch tsbatsanamama ëchantsemne, chentš jtsenangmenam, nýetska soyëng joboseoram y uatjanan krosenanak, abuayiynay soyek, as lemp chaotsemne tšabá, (benach, bejay juabuajkësham, tšabá onëñam, juabountšayam, yebna, ëch jajasaná juaboknam.

Ch tsbatsanamama botaman jësebuertanam, lemp tšabá chausomñam, tmojenoyeuná, mentša:



**Acuerdo
de
Paz**

- Jatšbenam kanje uaman nye tsbatsanamama soyam, y nyets luar chaotse cošenten, ntšamo jenoyeunayam ndoñe ch podesk soy chaondojabuachenam.
- Jatšbenam uaman soy ntšamo ch nyan bshants jatšbenam, corent jontješeyentš ch luar jenangmiam.
- Jabonjuam nyetskang chamotsatobocuidá ch luar, ntšamo jenoyeunayan ch nyan utabnabtak, enebjuan, enye soy bomnengabtak.
- Echantsemne krosenan jats seoram basoyengam, kainsēfta uatēs, chaotsemne jajokam ch krosenan, chká tēbomne chausomñe bshants krosenan jēts seoram,
- Echantsemne jenajebanan ch luar onēñ, jajok enangmenēñe. Muenach oyenengbiam tšabá echantsemne ainanokan enangmeneng, as juinyanam Zonas de Reservas Campesinas, jenabojetjamká, tētsajabuachenam ch uantsameshabuanengbiam y canyentš enangmenentš.

II. Ntšamo jenangmiam iuayanan bēn luarokan

Bnētsan uatēs echanjopodía ch lastemká pasayeng jēsbuauyanam, nyemo shachne bnētsan porcentaj chauetsobēsen, ketsebošká kanje soy, y ntšamo ch luar iuetsemnka.

Echanjopodía benacheng botaman jēbtsetšbenan, ch uajuinyenyānēshá jatbomam, bēn luarokan jenparlam y jtobokam bejay uabjajonentš ech bejay obuējnantš.

Entšangbiam echntsemne ntšamo jenoshnan, juabouantšayam, juabojojonam, bejay jalcantsam, tšabá nyetska jajenach oyeneng chamuisomñam.

Ch corent tsbatsanamamabiñe enangmeneng pamillang kanje tsakēngká, echantsemne jenajabuacham, jabuayēnam, tsēm soyeng, uantšamen krosenan jenashjacham, jajenam y tsatēbuanyam jajenach.

Mochanjenefjne jajoka opoden soyengak, kanje tsakeng y basoy enangmeneng. Ch RRI echanjuanatsá nyets nyan luar chaotsemnam y nyetskang, ch nyan utabnáyek.



**Acuerdo
de
Paz**



Ntšamo echjokošentian jomantëñam jajoka pamillangbiam

Mochanjuatšbená, jenangmiam nyets luar, departamento luar, kamuenach, bēngbe omantëñam soyam, dnoñe shēntsan chaondētsemnam, chka jajabuachenam ch jajenam muentš inyoknak, botaman jomantëñam.

Nday soyēng jenangmiam, ntšamo kojtsabuachēñyan luarká (PDET)

Ndayentš lastemká tuetsemne, podesk soyēng, nye batšá ujabuachan soyēng.ndoñe tšabá bomnēnga, mochanjenangmiá basoyēng nye bēngbe luaram, nyets lemp jēsebuertanam, nyetska pamillang chamojenefjnēs, chamenangmé y chká chamotsenocochēñyen.

UTA SOY

JENEBTIAMAM: JABENACHĚYAM NYĚTSKANGBTAK JATŠBENAM TŠABÁ JĚSYĚÑAM

Jatšbenam tšabá chausomiam entsēit jabojatšan jajabuachenan nyetskangabtak ntšamo tmojtsēnyānká jajabuachenam bēngbe tšabe soyēng, chká chauenatjemb bakná soy.

I. Nday soyēng ejtsenme ch ēnyetšá juabn bokaknayēng

Mochanjabochá enutēng nyetska ntšamo juabnayēngabtak, buanganēnga, bchendēnga, nguēbshnēnga, tsbuanachá uabojanyāng, ēnye enutēngabtak kanye ley juatšbenam, chamotsētjembamná nyetska enutēng

1. II. šabá chaotsēmne jenangmiam osertan soyēng.

Ěchantsemne tšabá jenangmiam moká ndjapasaká, cham echantsēit:

1. Ntšamo mochtsenebjuanan
2. Jshetsenbuayenan tsentēnyayam.
3. Tsatēbuanyam
4. Tsebonjanyam ntšamo bejtsenangmenan

**Acuerdo
de
Paz**

Kachká ëchantsemne uanatsanëng utabnëngbiam, baenutëng beëngbe soy obouyayëng.

III- Ntšamo mochjenangmian nyetskangabtak

Ntšamo ejchënyñanan ch enuteng, ënye utabnëng chamobená jobonjonjoyam nderad tiajuatsayam.

Ëchanjotšëmbon nyetska utabnëng ndëmuanýe luarok jenoyeunayam juatšbenam kanýe soy tšabá choatsënyñanan ntšamo máschkoy jenutanam, jenebjnam, kachká, tsashenoy yentšan jabonjuam, nderad nodñe tšabá ejtsemne bëngbiam, as šason jëbtsekedam. Ch nýan luar utabná ëchantsabobeman ndayá bejtseitán ndaysoyën jenjuan y jenoyeunayan nyets nýan luar.

Ntšamo bojtsbëshejach ch uashauenanëshañ šason jatšatayam

Ëchanjotšëmbon ch uashauenanëshá juajandmanam, cham ba pamillang ëchanjabuayëná chka soyam chamotsamanam; krosenan ëchantsemne tsbuanachënga juatšbenam, bëngbe tšabá jëbtsotjëmbambayam.

Ntšamo ejtsënyñanan tsenguantam, tšabá jëbtsenashanýayam, tsenpacincian y ndoñe tsenajashnguayan

Mochanjatšbená nýanok, tsenguantam, tšabá jëbtsenashanýayam y abuyaynyayëng luar. Jenautanam ch nýan utabnabtak: as mochajuatšbená ntšamo ndaysoyëng jtsenguantan, tšabá jëbtsenashanýayam, nodñe tsenajashnguayan; cham ëchantsënyñanan šespet y corticiok ch ibiayan o ënye soyëng.

Nyetskang bominy chamotsebomne jenangmianenach.

Ch nýan utabnoka ëchantsemne ntšamo nyetskang bominy chamotsebomne jenangmianenach, ch soyam bochanjubuach uaman utabnoka nyetskenach chaotsenman.

Jajabuachenam nday soyëng jenangmiam nyetskangabtak

Mochanjuatšbená jenutanam, ntšamo jenangmiam kem luar, as ënye pamillang mochantseit ntšamo juinyñanam y jajabuachenam corent tšabe soyëng.

III. Ntšamo kuantsemen nyetskan chamuenefnam



**Acuerdo
de
Paz**

Ntšamo juastodiam jobenayam nyetskang licincia chamotsebomne ch uaman soyëng jakošentiam

Tmojenoyeuná ch tsbuanachá jtsatëtbënan uamanok jashjaguam. Kachká ëchantsemne nyetska utabnëng kem soyam. Mochanjenabojabjoná krosenan kem soyëng juëjkësham.

Ntšamo juastodiam nyetskang chamobená jenabuayanté

Mochanjenoyeunay ntšamo nyetskang chamenefjne enabuayanté, ch cédula chamotsatëtabne corent bnok oyenëngbiam, Kachká mochantsabuajënyá botaman chaokošentem, cham ëchantsemne pamillang chká soy bojanýang mochanjenajabuach ch elektronik soyënguñ.

Nday soyëng tmojuinýnanan tšabá chaotsemne enabuayanteskam

Ëchantsemne, nye enabuayanteskam, nday soy jenoyeunayam uaman Utabnabtak, as chká ch Utabná ëchanjontšá tšabá juatšbenan

Nyetskang jobenayam jenefjnam jenoyeunayam

Mochanjajabuachená jtabuayenam jenangmiam uanatsanëngbiam, ënye utabnëngbiam y shembaseng uanatsanëngbiam.

Jenabemam tšabá jësomñgam

Ëchantsmne bnëtsan chnënguan tsëm jenabemam juabuayanam ch Uaman Tsashenok chaotsemnam uta nýan teskam, chká tenefjanayam ndayentš podesk soyëng tojëbtsokošenten, ënye utšenëng o batša tmojëbtsëjabuach.

UNGA SOY

LEMP CH BAKNA SOYËN CHAUETSOPAREJAM

JENOYEUNAYAM NDOÑ MAS CHAONDËTSANGCHKAN KATOY
JTENONGANYËTŠANAM ËCH UANGCHKAY YËŠÁ CHAMOTSATABOKJÁ

Tmojenoyeunay CFHBD, entsënchnanan lemp chaondoparejam ch Uaman Nguëfshnëngabtak y ch FARC-EP uabaynëngabtak, chká endayan ch CFHBD chëñ, y ndoká entšang chamondëtsepasá.



**Acuerdo
de
Paz**

Chká jëbtsopodian jenoyeunayam katoy ch uangchkanëšanga chamotsatabokjá, ëch FARC-EP chamatenajuabó nyetskangabtak.

Ch uangchkayëšanga uasman chamotsajbaná (DA), entsëmne, ch Organización de Naciones Unidas (ONU) lemp chamayingak ch FARC-EP mojuasmanëng, as chëšanga chauaservé jatšbenam bëts monumento.

Ndoñe más ndëtsenjuesayam, ndëtsenayayam katoy y tsajbanan ch uangchkayëšanga uasman FARC-EP, as jontšan joprontan tenashenguašëyam ch FARC-EP uabaynëng, cham entsemne uta bnëtsan uta veredeng (ZVTN) y chnënguanenach jtsenashekuastonam.

Kem enyeunan soy entsenefjnan kainsëfta bëts soyëng, jenangmiam uta bnëtsan shachna protocolos y echantsenanjon nyëts ntšamo tmojenoyeuná ká (CFABD y DA). Ch protocolëñ uanjon soyëng entsemne uenan uenan ntšamo botaman jenangmiam.

I. Natsan

Enchënyñanan buetaytëtë mochjartšbenan, cham entsemne jenagmiam pats posuftabnëtsanëyté ëchjajëtan ch CFHBD y DA.

Natsan ëchantsemne joprontan jenashekuastam, ntšamo jamekjayam šeparanëng (MM&V), y korent cuidad tsenobomnan ndayentš, chka soy bontsnjën nguëbshëng.

II. Ntšamo ejtsënyñananka chaotsemne

- c) Unga bnëtsan shachn soyëng NDOÑE kemochatenangmiá enyeunanká (CFHBDy DA), ch soyëng corent jenangmiam ch (MM&V).
- d) Montsenguá bakná soy chaondopasam enyeunan soyëngam (CFHBD y DA), jenajauacham nyëtska pamillang ndoká chamondëpasam.

III. Ntšamo ndëmokan tsenatsëtsnayam y bominjë jabuakjayam (MM&V)

- Kem soyëngam unga utabnëng montsenebjuan (Gobierno, ONU y FARC-EP) tsënyenam, enyeunan soyëng chauetsokošentem (CFHBD y DA) y jašemediam ndaysoyëng šesg nandmën (CFHBD y DA) biam.



**Acuerdo
de
Paz**

- Chenguan enutëng ch (MM&V (CI-MM&V), testigo mochantsemne, ch uangchkayëshanga kachká chamënyam (DA), ntšamo enyeunan tsbuanachañ iuinñananká.
- Kem MM&V mochantsemne ndoknoy ndjosjuachenaká, nyetskang chamotsatm, katoý tsenbuanñenñanan, chká jajabuachenam, bëngbe soyën nyets bën luar Colombia iuetsemnëká.

IV. Nday soyëng eitsënme Tsbatsanamamabëñ

- Ntšamo mochjenashekuastan ch FARC-EP, ndëmo jajok jtsemnëngam (ZVTN) y Ndayentš achnëjuan soy tsemnam (PTN) y nday soyën ch nguëbshnëng uabojanýang.
- Kachká tmojuinñaná ch (ZVTN y PTN) pats posuftabnëtsanteskam

V. Bëngbe vid ndjashbiam

- I. Mojtsemnënskuan tsatëbuanýam chëngbe vid ntjashbiam (CFHBD y DA), chká monýantsenatëbuanýa nyetska enutëng (MM&V), FARC-EP enutëng, ëch uamanokan utabnëng, nguëbshnëng, ënyë pamillangnak.
- II. Entsenajuabn vid ntjashbiam ch uasjojnayëshá uyambayá, banëtjuayënga, ch uanchkayëshanga, juënñay meshëng y uantšëtëtan FARC-EP be uajajonentš.

VI. Joprontam

- Entsënchnanan ntšamo chao košentem ch ZVTN, PTN y el MM&V, nyets nýan luar, kem luar y bëngbe luar, mochjëbtsemnentskuan (CFHBD y DA).

VII. Uangchkayëshanga kachká jtsënñayam

- IV- Tsbuanachañ mochanjuinñaná, bekoñ o bnokan mochantsenatsëtnay, mochantsetatšmbo. Jutbanam, juajmëtam, jtsajatsëkam nyetska uangchkayëshanga iumuetsabojanýan ch FARC-EP.
- V- ONU ka uabaine enutëng mochanjuayëngak nyetska uangchkayëshanga FARC-EP bominyë jabuakëkjayës. Chká echanjobëshejach ch MM&V tsbuanachá, nyets nýan luar chamotsetatšmbo, tmojakošenten kem soy DA ëch FARC-EP.



**Acuerdo
de
Paz**

CFHBD y DA entsemne nÿetska podesk soyëng ch uangchkayëšanga kem Colombia ch FARC-EP enbojanÿang, chiek empasam kem soyëng mochjëbtseparejá, ndoñe más chamondëtsebokan uangchkayëšanga uasmëmanëng, ëchamontšë tšabe soy tsatsmënam.

JTENAJUABAM CH FARC-EP KEM TŠABE VIDOY, KROSEANAN, ENTŠANGABTAK Y BOTAMAN JUABN NTŠAMO TMOJENOYEUNAKÁ BE UABONSHNE

Jtenajuabam kem tšabe vidoy, chantsemne nÿetskangabtak, chauetsetotan, chká tsakëngká muabonshne, FARC-EP, bëngbe luaroy mochantenajuabá, pamillangabtak, jajabuachenam jajetšamká luarentš, tšabá jebtsentjëmbabayam, tsecochbuanÿënyanan nday pamillang motbiamanëngbatak; kachká enangmen soyëng y kam luar.

Ch FARC-EP bëngbe vidoy tenajuabam, kanÿanÿe entšangbiam iomne, chiek ch FARC-EP bëngbioy mochantenajuabá.

Tenajuabam soy korent mochantsejuabnay, iuetsaÿënyan shenbasengbiam

Bobontsetemëng tmojësebokan ch FARC-EP choykan, tmojenefjne tšabe soyam, kachká mochjëtsbokan ch uangchkayëšanga kachká jëtsënyayës, as tšabá mochantsatamamnay, mochantsatëbuanÿá. Kem bobontsëng mochantatšatay nÿetska soyëng, ntšamo bëts Ley de Víctimas enduënyanananká (kanÿe uarang kanta pats kanta bnëtsan posuft ch uta uarang bnëtsan kanÿe uat (1448 de 2011), mochanjëtseorá ndayentš añem tmojëbtsejakan o ndmok tšabá mojtsÿenká, sempre ch bobontsetem tobouyanam.

Tenajuabam jtsobiashjachká juabnak

- Tmojaparejá ch uangchkayëšanga uaboshjuan or, ch ntšamo tsëm juabn mtojakošenté ch FARC-EP, tšabe chbuanachá mochantëtšatay, per ndoñe ndabiam utšanté.
- Kem enutëng uatës, uatës, ndayteskan imuabeman ëch bnëtsan esknebta uabten shënyë, uta uarang uta bnëtsan chnënguan uatës, krosenan mochanjobok chëngbe jenangmiam soyëngam, entšënyananan bnëtsan por ciento uatës, uatës ch krosenan uajajonokan, ënyë enutëng y shachne por ciento uatës, uatës juatšbenam tsbuanachëngá



**Acuerdo
de
Paz**

nÿetskenach juëjkësham ntšamo mochjenangmiam, tmojenabem orskan ëch bnëtsan esknëbta uabten shënÿe uta uarang uta bnëtsan uta uatëténskoñ.

- Buetáng tmojenabiam uaman tsashenok jotjëmbabayam, ntsets kangabtak ëchantsemne ntsenabojabuanká. Nderad ndoñe shachna soy cámarëngbenach tmojachëbiashngo, asne ëchantatšatay mojtsashbenëngbiam.

Tenajuabam soy krosenan, entšangabtak

- Ntšamo šason tmojakedáká FARC-EP jebtsepochochokam ndoserven soy, uangchkayëshanga tmojëtsan, tmojtenajuabó bëngbe vidoy, as ch FARC-EP mochantëtšatay tsbuanachëngá, nÿan luar utabnokan nÿtsets kang ch FARC-EP tmojenabiamká.
- Chentšan katoy tmojuanshuj ntšamo tmojenoyeunaká, as mochanjatatšbená ch Consejo Nacional de Reincorporación (CNR), mochantsenut, utat uaman utabnokan, utat ch FARC-EP chokan, jenoyeunayam basoyëng jenangmiam, tenajuabam, tmojenoyeunaká
- Jtenajuabam krosenan jësobommiam, entšangabtak tšabá jobtsotjëmbabayam, bëts tsbuanachañ jenabeman ch FARC-EP entjëmbamnayëng, jabokakayam ch tsbatsanamama basoy joshachëñam, tsatëbuanÿam luar y entšang moká chamondëbuachjanguam. Nÿe kanÿe ëchanjujabuach esknëfta bnëtsan por ciento (90%) ch shënÿe imakaná soyentsan nÿe uta uatam; mochatsëbomne shnanam, sempre tšabá jëbtsachnënguam, ntšamo jëbtsenangmiam uabouantšan soyam, jëbtsabojojonam soy, bëngbe soyëng, chashjaoboyeuayëngbiam, mochantsentjëmbamnay ch betšatem abuayëynayëng y kanÿe tsakëngaká tsenebjuanam.

ENYEUNAN CH VID CHAMONDASHBIAM, NTŠAMO TSEMANAN ËCH VID ASHBEBIAN ENUTENG.

Entsënÿnanan ch vid tsatëbuanÿam nÿetska kem luar motbiaman pamillangbiam; tsatëbuanÿam nÿetska utabnëng, jenangmiam basoy juabnayëng o nodñe tšabá



mojtsemnëngbiam, enutëng FARC-EP, botaman mojtse nangmen ch FARC-EP bëngbioy tenajuabam.

Tmojenoyeuná ntšamo kuantseman ch entšang obanayëngabtak, podesk obuachjajnayëngak, netsabuachjajnay bëngbe obouyayëng; ënyëng ch paramilitar usetonëng ëch ndomokan enajabuachanëng, ndoñe kem enyeunan soyëng ëch tšabá jësotbiamañam chaondetsetšbenam.

Ch vid ndënëshbiam bojanýang

Korent uaman Utabnokan nyan luar entsënyñanan jtsapochokam ch bakná soy ochjajnayëng, chká tmojenoyeuná

Kanýe uaman jenšeoram

Uaman kem luar uatëbuanýang

Kem uatëbuanýang mochanjontša ch podesk obuachjajnayëngbioy jtsjatayam, chká tmojenoyeuná

Ntšamo ndaguatjentš jenangmiam juabnak

Nýetska utabnëngbiam ndëmuanýengnak entsënyñanan ndoñe vid chamondashbiam, ch FARC-EP mochantenachnënjne bëngbe vidoy, entšang utabnëngoy y nýetskang kem luar motbiamanëngbioy.

Muentše kanta soyëng entsemne: Jatšbenam ntšamo jotjëmbabayam; tsauyanam, tsatëbuanýam, tšabá o ndoñe chka y tsebojanýam. As entsënyñanan:

Ntšamo tsatëbuanýam, ndoka chamondëbuachjamguam pamill y nýetskang

Uaman enutëng ch vid tsatëbuanýam ndëmuanýeng mojtse nangmenan

Pamill tmojëchmó uaman utabná bëts tsashenokan

Ntšamo tsëmne juabnokan tmojenutanaká FARC-EP, tšabá tse nangmëñam, ënyë anteung FARC-EP , chatenajuabó nýetska pamillang, ntšamo tmojenoyeunaká

Uanatsan soy, bëngbe vid tsatëbuanýam ch UNP

Obiashjachëng bëngbe vid tsatëbuanýam.



**Acuerdo
de
Paz**

Enuteng bēngbe vid tsatēbuanjām

Jenangmiam tskonjēnyanam, tšabá jentjēmbambayam, tsauyanam ndoñe ntsebjatanēkayam

Ntšamo kuantsatenuyay.

Jenagmiam njetska soy vidam y tsatēbuanjām entšangbiam y utabnēngbiam kem luarentš.

Entsemne janguangum ntšamo tsabuajēnyām njetska luarenach.

Ntšamo tsēguayanam ēch, podesk buachjajnayēng

Jshetsenbuayēnam natsan y betsk tsentēnyayam, ndayentš šesg ejtsemnan, as uatēbuanjāng chamobekoná ch bakná soy tesjuanam

Njanokan ntšam tsašondanam y bominye tsabuakēkjanyam njets luar ch autēbuanjā soy jenantšamiam.

Kem soyēng echantsemne ndayá chká chamuenangmem ndoñe nje kanjā biam chaondētsemne.

Ntšamo kuantsēuyaná y jenoyeunayan ch krosenanēng abajtoy soyēn ndoñe chaondotem.

Chká entsēnyanan ndēmuenach tšabá chamuenangmé.

KANTA SOY

BAKNÁ SHAKUAN, NTŠAMO JĚSATKAM

Njan uaman utabne luarokan y FARC-EP tmojenoyeuná jēsatkam bakna shakuan jenēngbiam, mokná arnēnyá ujnēng, chaotsotatšmbom kem soyēng enagmenēng, bakna shnanēng ajenayēng y beká krosenan mnoshachēñ.

Njan uaman utabne luarokan montsenyeunan jēsatkam beká krosenan abajtoy ēch bakná arnēnyá ujēn. Ch FARC-EP ēchanjjuabuach kem bakná soyēn ntšamnak jēsatkam



**Acuerdo
de
Paz**

Tmojenoyeuná unga soy jëbtsenangmiam: Lemp jësatkam ch bakna shakuan jenëng, uakuaknayëng, kem bakna shnan mnetsatobuajená beká krosenanam. Tmojenoyeuná Uaman Nyanokan Utabnëng y FARC-EP kem soy jësatkam, chká muetsenbonýá kem bakná soyëng ujnëng ëch uangchkayëšá tjenach uasmanëngabtak.

I. Jenoyeunayam ntšamo ch bakná shakuan jen soy jësatkam.

Kem ndelicad soy jësatkam, ensayan:

Kanýe program ëchantsemne ch bakná shakuan soy, ënye soyën jenangmiam, cham kanýentš entsënyanan Jajenach nyets soyëng jësenangmiam.

Jenoyeunayam len tsatkam, nodñe jtësejem. Uantsameshabuanëng jajenach chká menangmen entsýen tsatkam kem bakná soyëng. Ch uaman nyanokan utabnëng monstabonshne jobuajam betsk ndayëñ jujabuacham (Plan de Atención Inmediata), sanam, tsbatsanamama enangmenëngbiam, atbanayëng, ch mnatenajatayëng y nyetskangbiam.

Jatšbenam nyets soyëngak tšabe soyëng chamuetsenangmem (PISDA).

Uaman tsbuanachënga mochanjuakošentía jauchtam ch bakna shakuan jenëngbiam.

Ntšamo jtobouyanam ch Parques Naturales Nacionales, totká kuanetsemne chenach jamashjnam

Ndayentš tšabá ejtsemnentš chamuenangmé PNIS

Nyets luar jayëñañam ndayentš uasegoranenach ch pamill jabuachjanguam y uangchkam meshëng.

II. Uakuaknay banka shnan.

Kem soyam ch bëngbe tšabá onan soy uabojanyang (Salud Pública), entšang jësbuayanam, chka yomne uaman luarokan.

Mochanjatšbená ntšamo tsatkam ch uakuaknay bakna soyëng, cham entseite nyetskang jenefjnam km bakna soy tsatkam, nyetskang mochanjenajot tsënýenam y lemp chamotsatmam

Mochanjuatšbená Uaman bën luarokan ch Uakuaknayëng janýam



**Acuerdo
de
Paz**

Ndoñe chamondětsejen, ne chamondětsajená ch bakna soyëng, chka tmojenoyeuná

Tsayentštka ch moká obuachjajnyëng ch bakná san uëjnëng, beká krosenan bomnëng, kem soyam enayayëng, jěsatkam, muentš entsënyñanan

Kem soyëngam, mochanjenëfjne botaman juanoticiam y tsbuanachá juatšbenam nyets luar.

Mochanjenakamiy ndëmuanyëng beká krosenan ndoñe tšabá muetsebojanýaká y tsëuyanam kem bakna krosenan bomnëngbiam

Ntšamo lemp tsatkam ch abajtoy enutëng, ch bakna shnan ujnëngak.

Ch ONU ëchanjotšëmbon ainanokan jakochbonjuam, kem ndoserven jenjuam y jenoyeunayam ch (OEA, UNASUR, CELAC) nyets luar.kamuentš nak.

SHACNE SOY

NTŠAMO TMOJENOYEUNÁ, CH BA PAMILLANG VID TMOJËBTSASHBËNGBIAM

NÝETSOYËNG DEOMBRE CHAOTSEMNE, JAŠEORAM, JTOBOKAM Y NDOÑE MAS CHKA CHAONDËTSOPASANAM

I. Nyetska soyëngam.

Entsemne, ntšamo jenaboštajuam

Jashjacham soyëng

o Jashjacham jesbuiyanam ch moká ch pamillang netsabuachejanguá

o Lem chamobuambá ntšamo tojëbtsopasaká

Jašëbuachenam ndoká chamondětsebuachjajná ndëmuanyëng mochjenngmiam

Jenajabuacham tšabá jëbtsentjëmbabayam, ainanokan tsenguantam, ndoñe más podesk soyëng chamondětsebojanýam

Nyetskang tsenajuabnentš: basoyëng mochantsenefjñanan katoy.



**Acuerdo
de
Paz**

Jentratam: Ndaysoy chaotsemne ndoñe jtësenangmiam, chká botamn chaotatsbon deombre y jtëtsjandmanam.

Nyets buchashben: Ndëmuanyeng tmojëbtsentjembamná ch podesk soyënguifne, sempre chka chamocumplé ntšamo ejtsënñananká.

Nyetskang jenefjnam: Ch moká mnetsabuachjanguángbiam entsemne

II. Ntšamo jenangmiam

Deombre chauetsatsbonam, natjëmban jëbtsentjembamnyam y ndoñe más chka tsenangmenam

Ndëmoknoy ndosëjuachenká ndoknábioy kanÿe soyam, ëch luar, janguangam tšabá jësbuauyanam ch moka tmojëbtsabuachjanguangbiam chká demobre chaotsemne.

Jashjacham

Jenajabuacham deombre ntšamo tojopasan

Jenajabuacham tayentsšuachëyam, ndëmuanyeng moká tmojëbtsobuachjanguá; y nyets pamillangbenach ntšamo tojamnopasan

Botaman kanÿenté kem luar jësyëñam.

Jenutanam tsanguangam ch pamillang mnetsenatjëmb ch podesk enbuachjajnay cause.

Muenté entsemne nyetska pamillang jësbuauyanam, ntšamo tmojajuabóká, krosenanak jatšbenam.

Ashjachen soy, entsemne jtsanguangan ch pamillang mnetsenatjëmbëng, chká jtsbuaiyanam y deombre chka choatsemne nyetskang nguënté.

Luar ketsomñká natjëmban chauetsemñe.

Ch luar ketsomñká natjëmban chauetsemne (JEP), ch uaman Colombia bontsonÿen lem juanotician, jatjayan, chor jen šeoran ch moká obuachjajnay soyam, ëch korent tsetšn soyam.

Nodñe nyë kachká jenonÿam, ch tsetšenan,jenëytanan, ënyë tot soyën, entsang mnetsayetam, cuerp mnetsatsetšená, shenbasajemëng uachuan podesk



**Acuerdo
de
Paz**

mnetsebuachjanguá, chëngbe cuerp mnetse paltá, y bobontsetemeng mnauyamb jtoy.

Ndëmuanyëng tmojakomsé ch podesk uachuan obuachjainay soyeng, mochanjenëtcho shachna y posufta uat, chentsan kabá mochantobok jësenabojakanam pamillangbenach. Ndëmuanyëng ndoñe chká tmonjouenës y deombre chka tmojëbschjangua, as mochanjuchto bnëtsan shachna y uta bnëtsna uatam.

Ch JEP mochantenashenguašen korent Uamanëng (Magistrados), chká enutënguents, bëngbe Betsá kem bshantsok utabná, ch Sala Penal de la Justicia, ONU, Centro Internacional para la Justicia y el Sistema Universitario del Estado, chëngbe kuentiñ pamillang mochanjachamuá.

Tmojëbtseepochoká kem ndoserven soy, as echanjopodiá jajabuachenam nday soyëng jesejandmanam ch moká mnetsabuachetayëng, ntámó yuenangmen uamanokan.

Kem soyën jesobokam entsemne nÿe betsko, chamenangmé, ntámó uinÿnananká, ntámó nÿetskang chamuatobekonam, tsbatsanamama tsatojandmanañam y jabešbuayënam natjëmban jebtsentjembabayam

Nodñe mas podesk chamotësontsem

Nodñe mas podesk chamotësontsem chka jashjacham nÿetskangabtak, ntámó tmojobojatetská, lemp ch uangchkayëša jesaboshjonam y tenashenguašam pamillangabtak, ntámó entsayan una soyënguents.

Ainanokan jebtsencorticianan šespetok y uaman entsangbe soy jësbuauyanam

Uamanokan tmojašasoná, kech kem Colombia entsënÿen jendokarmidionan, tsatëbuanÿayan, korticio y šespetok, nÿetska pamillang jësbuauyanam ndayenach más totká tmojëbtsempaltay.

Ch FARC_EP tmontësayan jobuayanam pamillangbe uaman soyëng, chká mochandšespetan katoy, kachká natjëmban kem luar jëbtsotjëmbayam.

CHNËNGUAN SOY



NDAY SOYĚNGAK KAUNJE NANGMIÁ Y BOMINŸEK

Ntsamo tmojenoyeunayká chaoetsoparejam, tmojuinŷnaná, mentša:

I. Nday soyĕng mochtsebojanŷan, tsabuanjĕnŷam

Nday soyĕng mochtsebojanŷan, tsabuanjĕnŷam tmojenoyeunayká, ntsenyayká (CSVR) uaman tsashenok (Bogotá), mochantsejembamnay unga pamillang ch Gobierno Nacional biokan ashjajonĕng, unga pamillang ch FARC-EP choykĕng o ntsamo tmojenĕfjnká.

Kemuĕng kem soyĕngam mochantsebojanŷá :

Natsan: Jenoyeunayam nodŷe tsenayam, ntsamo kmojosertayká ch enyeunan soyĕng.

Uta: chamenangmé ntsamo ch enyeunan ejchĕnŷnananká, tsabuajĕnŷas.

Unga: jenoyeunayam nŷetska pamillang botaman chamotsenyeunan.

II. Ntsamo bĕts soy jakoŕentiam

Ch CSVR mochanjenefjne jenoyeunayam Ntsamo bĕts soy jakoŕentiam, ch enyeunan tsbuanachaŷ tmojuinŷnanan Uamn Utabnokan

Kem soyĕn echanjatoton bnĕtsan uat, lemp jĕbtsashjacham, ndayents korent ejtseite, korent mojtsĕjajot shembasengbiam y kabĕngbiam.

Tsbuanachá mochanjuatŷbená CONPES , krosenan chaopodem jenangmiam.

Kem Uaman Soyĕng uta nŷan utabná, kantatá uatĕs, mochanjenashenguaŷá ntsamo kem bĕn luar jenangmiam (PND), y jenangmiam bĕnĕná uatĕs. Kada uat mochandĕtabuatsjeŷey (PND). Cham ch legetĕm ley mochanjubuertaná o ntsan ejtseytká.

III. Ntsamo jenangmiam enyeunan soyĕng kem luar muabojanŷ krosenangak

- Motsantsauenan ntsamo ejtseytká jabuertanam Nday soyĕng jenangmiamká kem luar y cabĕngbe luarentŷam, SGPR, chaoservé enyeunan soyĕn jentsenangmian.

IV. Ĕnŷe soyĕng



**Acuerdo
de
Paz**

Mochabjakochbonjuá kanýentš enutëng, chamenabojabjonam ken enyeunan soyën nýetskangabtak jakošentiam.

Ba soyëng mochanjuiýnaná korent tsatmam jenashjacham enyeunan soyëng, nderad tsauyanam ndoñe ch krosenan chamondëtsabajtom

JENOYEUNAYAM KATOYKAN JUANSHJUAM

Ch uta bnëtsan ungaté, shënýe uta uarang bnëtsan chnënguan uat, Uaman Utabná, ëch FARC-EP tmojenoyeunay, nýetska pamillang jatejayam, ntšamo endayanká (Proyecto de Ley Estatutaria) pats shachnë bnëtsna chnënguan, uta uarang bnëtsan shachna, Cámara esknëbta bnëtsan Kant, uta uarang bnëtsan shachne, Senado ntšamo iunýnananká (Corte Constutucional)

Ch bnëtsan posuftayté, uabten shënýe, uta uarang bnëtsan chnënguan uat, uamanokan ley uabuatmëng tmojuatšbená C-379 de 2016-C unga pats kainsëfta bnëtsan esknëfta, uta uarang bnëtsan chnënguan uat, kem ley uabuatmëng, tmojašasoná tšabá joyentšboknam (Proyecto de Ley Estatutaria), nýetska pamillang jatejayam as juanshjuam katoykan, chká lemp chauetseshekbe y mochjësetšbená bëngbe natjemban jesotbiamañan baiteskam.



**Acuerdo
de
Paz**



BËNGBE SOYËNGAM TŠABÁ Y JISOBOUIYANAM UAMAN LUAR

Tsetatšembuam 00kant

La Habanaka Uabain luar, uabten shënje uta bnëtsan kant, uta uarang bnëtsan chnënguan uata

Cabëngbiam tmojenashenguašé, tšabá enyeuanan kem luar utabná ëch FARC ká uabainëngabtak.

6.1.12.1. Chnënguan.canje.bnëtsan uta. canje. Ntšamo bojtsënjen

Kem luar utabná ëch FARC-EP ká uabainëngabtak tmojašasoná, bëng aiñe tmojebtsenajabuach jatšbenam tšabá jësyiñan, baieskam chauetsetotan, nÿetskangbiam kem luarentš, bakná soyëng tmojëbtsakochtsetšená, škenëng tmojabanashjango orskan, chëngbe servent y bojabisanabak bëngbe tsbatsanamama, bën luar, nÿetska soyëngnak; korent tmojëbtsatsetšená; ch ndoserven soyëng enbojanÿang katoy, chiek montsejuabná tašebuachenam bëngbe tšabá jësotbiamañam nÿetskang ntšamo muetsejuabnaká, muetseconÿinÿanká, muetsotjenaká.

Bonsyən bəng tsebuayənyənan tšabá o ntšamo bojtsabuachjainan yentša ketsomñe ká, tsbatsanamama, nyan luar, uakochjabuach soyəng, as chamuatbuaj josertam ch Enyeunan soyəng, japochochokam ch ndoserven soy, chká jatšbenam Tšabá chauetsmne sempre Colombia luar.

6.1.12.2. Chnənguan.canyə.bnətsan uta. uta. **Ainanokan tsejuabnayam**

Nday soyəng tmojenoyeunan ndoñ chká tsenambayam y jatšbenam Tšabá chauetsemne sempre Colombia luar nje bəngbiam, entsemne ntšamo bəngbiam mojtsənyenká, chenguan luarokan, bəngbe obuaiyay soyenga, ndoñe tēsashəkonam, ntšamo imenyeunanká chenguan luarokan bəngbe vid jebtsonguanguam, yentšang y bəngbe uaman soyəng, ntšamo buetsabuajənyaká iuayan tmojenoyeunay tsabonəmam nyetska uaboyenje shembasá bioye CEDAW, Enyeunan chenguan luarokan, tsabonəmam nyetska uaboyenje kabəngbiam-CERD, Kachká tmojenoyeunay Durban ká uabainok, Naciones Unidas ká uabaynok cabəngbe tšabiam, enyeunan, pats chnənguan bnətsan esknəbta, ch OIT endayan cabəngbe tšabiam ká, inyəngbiam nak.

Nday soyəng tmojenoyeunan ndoñ chká tsenambayam y jatšbenam Tšabá chauetsemne sempre Colombia luar , cabəngbiam ichantsemne, cabəng ntšam tkojenojuaboká, ndokná chaondətsejuabná kabəngbiam, ntšam uaishanyá muetsətabnəká, chamuatejá natsan tsetatšəmbuam; bəngbe soyəngam, kanyə tsakəngká, tsbatsanamama jəbtsakochjabuacham, bən luar nyetska soy iuisomñká, bətsətsang tmojəbtsebošjonká, muetsnyən bəngbe luar jəsojandmanañam, tsatatəbuanyam tsbatsanamama y kem luar mojanbojanjá bətsətsang.

6.1.12.3. Chnənguan.canyə.bnətsan uta. unga. **Tsatakochjabuacham y tsošbuachiyam**

Tsakochjabuacham kmojosertaká enyeunan soy, tsabonəmam ch ndoserven soy, jatšbenam Tšabá chauetsemne sempre Colombia luar.

Montsantšauenan nday soyam bəngbe luarentš jenangmiam, natsan bəngbioy jatejayanká, nderad muantsoyatšəmbuá y ndoñe inyəsoy chká chaondaisokorenté. Chiek cabəngbioy natsan mochanjshatejay y mochantsetatšmbo ntšamo iuayanan uaman tsbuanachañ y chenguan luarokan



**Acuerdo
de
Paz**

Mochanjënebengo, cabëngbe soyëng, mamangbiam, pamillangbiam, nyetska imabëbanëngbiam. Ndoknentš kematsjuabná bëngbe soyëng jëbtsapochokam.

a) Jajoka soyam nyets lemp

Ëchantsemne bengbe tšabá jënyan cabëngká, nyetskangbe tsbatsanamama, ntšamo bëtsëtsang tmojëbtsebojanya nyets luarká. Juabn tsebmnan ndoñe kanye tsakëngká kem luar chaotsemne ainanokan, tsakoch uanyam bëng ndjojenacham, ntšamo jësobouyanam bëngbe soyëng.

Jamashjnam tsbatsanamama joshachiñam ejtsabaine Fondo de Tierras. Cabëngbiam tšabá ichantsemne tsbatsanamama joshachëñam moká ndjabuachjanguaká bëngbe soyëng. Ch tsbatsanamama ëchanjopodiá jacošentiam, jatëntšanam, jenashjacham,tobouyanam, tsbuanachañ chaotsatëchnanan, jenajebanan y jtobokan, y botaman jenoyeunayan ntšamo jësobomñan tsbatsanamama. Mochanjoseráy, bëng uatëbuanyang tjañ, ntšam bëtsëtsang tmojëbtsabashejuanká bëngbe luar ndoká tsabomayan. Ntšamo jenoyeunayam jajabuachenam jajasanam, nyetskang jenefjnam, ntšamo muenëtabnëká botaman jenoyeunayam.

- Nday soyëng jenangmiam nye bëngbe luar (PDET), enach, ëch jueb ibetëng Colombia imomnëng, ichantsemne jatejayan, ntšamo iuabeman bëngbe vidam, ntšamo jësebuertanam, tšabá onenëñ y nyetska bëngbe luar uaman soyëng.

b) Jenajabuacham nyetskang.

Nyetska cabëngbenach uaishanyang inye utabnëngnak mochantsemne jenoyeunayam botaman, tsetskenach ntšamo iuayanká uta soyëntš.

Ichantsemne jenabuayanam ndëmuanyëng jenabemam uachuan Tšabá jësotbiamañam nday luar ejtsemnká. CTEP.

c) Tšabá jentjembabayam 3.4*

Nday soyëng tmojuatšbená cabëngbe tšabiam, bëngnak mochantsenebjuan cabëngká.



**Acuerdo
de
Paz**

Ichantsemne jets jabuachenam bəngbe uatəbuanyəng soy y cimarron uatəb uanyəngnak

d) Jenoyeunayam ch bakná shnanəngam.*

- Ichantsemne jatejayam cabəngbenach uaishanyəng y utabnəngnak, jenujaboyam ntšamo kem soyəng jəbtskošentiam, y jatšbenam ch PNIS, chaotsenajuabne bəngbe uaman luar soy. Ndayentšnak ch, el PNIS, mochantsabuajənyə cortisiok y mochantsakochjabuach bəngbe tšabe shakuan, inyəngbiam ndoñe chka kuanmən. Ndoknentš keochatsmen tabontšan enangmenan bəngbe luarentš ntjenoyeunayká bəngbe uman luarentš iuisomñeká.
- Ndəmuenach ch bakna shakuan iuetsjenach, šesg iuetsemne cabəng jebtsenatjembam yentša bəngbe uaman soyəngnak, kachká bən luarnak, ndayentš muetsachetangká.
- Mochanjenoyeunay lemp tsejuanam bəngbe luarenach ch uangchkaysoyəng. Mochanjenefjne jenajabuacham ch cabəng EMBERA ká uabainəngbiam ch Puerto Libertador, Córdoba e Ituango en Antioquia motbiamanəng, ch JIW San José del Guaviare en Guaviare ka uabaynok, ch Nukak Guaviarok imomne, ch base tsashenok Mapiripán , Puerto Concordia. Metaka uabaynok, kachká base tsashenok Tumaco, bejay Chagüíka uabynok, əch Awá departamento de Nariño ka uabaynok. Kachká ch Consejos Comunitarios Alto Mira y Frontera, ch bejay Chagüí, əch tsashen Buenos Aires, ch vereda La Alsacia departamento del Cauca uabaynok.
- Kem nyan luar utabná əch FARC-EP uabaynəngnak tmojenoyeuná, cabəngbenach tšabe soyəng jenangmian, bəngbe luar jəs shekonam, tətšəntšabuachiyam bəngbe luar, ch Nukak, ch Embera Katío del Alto San Jorge resguardo Cañaveral, kachká ch luar Consejo Comunitario Alto Mira y Frontera y Curvaradó y Jiguamiandó.

e) Bueta pamillang tmojəbtsakochtsetšená. “Deombre, Jenšeoram, Jtobokan y nodñe mas chka chaondetsachuan”

- Mochanjenujuaboy ntšamo juatšbenam y jenamgmiam bəngbe uaman deombram, Jenšeoram, Jtobokam y **nodñe mas chka chaondetsachuan**, cabəng ntšamo muetsejuabnaká ichantsemne



**Acuerdo
de
Paz**

uamn luarentš, ntšamo iuayan bën tsashenokan, inje luarokan iuisomñká.

- Mochanjuiynana basoyëng uaman tsbuanachañ iuayanká cabëngbiam ntšamo kojtsabuayinýanká. Mochanjašespetá bëngbe enajabuachan soyëng y monchajatejay chká ejtsemna or.
- Entsenýnanan ch uaman uaishanyá corent tšabá onëñam, mochanjenefjna jenotentšëyam ntšamo iuayanká ch uta pats kanta bnëtsan chnënguan (Artículo 246) ch Constitucioniñe, kachká ch Colombia jueb ibetëngbiamnak.
- Mochanjenoyeunay nýetska cabëngbe utabnëngbatak, jatšbenam, nýetskang chamatashjajne pueblentš, más chkoy tšabá jësotbiamañam bëngbe luarentš. Entsemne jenoyeunayam jabuayinam kabjosertaká, y chamotsetatšmbo corent juabnokan ndoñe tsenjuanayam cabëngká, shembasenga, bobontsënga y šošong tmojëbtsachet ch ndoserven soyam.

f) Jakošentiam y chká keiysemne

- Mochanjuiynaná ndayentšan corent uamanok cabëngbatak tsënyenam, ntšamo tmojenoyeunaká, chauetsokošenté, ch uaman luar utabnëngbatak ëch FARC-EP, cabëngbe utabnëngbatak, mentša:
- Ch ndayentš mojtsemne ch uamanëng, mochantsentjanay katoy, tsësetoyam chká choakošentem botaman tmojenoyeunaká tšabá jëbtsenashanyayam ndëtsenayayká, (CSVR). Kem soyëng ntjatenbokayká, y ntšamo buetsachënyenká cabëngbe soy y jenajabuach iuisomñe soyëng.

Ch krosenanëng kem soyëngam nodñe keochatobokne, ch natsan tmojenoyeunay ch krosenanam, kem nýan utabnabtak, cabëngbatak y jueb ibetëngbatak, ntšamo iuinýnanan ken Ntšamo nýets Luar Jebtsenangmiam kem tempo, inýesoyëngnak tmojenoyeunayká.



**Acuerdo
de
Paz**

BĚNGBE SOYĚNGAM TŠABÁ Y JISOBOUIYANAM UAMAN LUAR



**Acuerdo
de
Paz**